

**Warhafftte Beschreibung der wunderbarlichen
Ränse vnd Schiffart / so Wilhelm Schout von Horn / auß
Hollandt nach Suden gethan / vnd was gestalt er hinter der Magella-
nischen Enge ein newe vnd zuvor vnbelante Durchfahrt in
die Sudersee gefunden.**

**Neben kurzer anzeig der Landschafften / Inseln / Völkern /
vnd dergleichen / so er auff angedeuter Ränß angetroffen. Sampt
etlich beygelegten Kupfferstücken.**

DEN 14. Brachmonats gegen Abendt seind wir von Texel abgefahren. Iunius.

Den 17. dito haben wir an den Sanddunnen vnter Engellandt die
Ancker außgeworffen / weil vns der windt zu wider.

Den 19. seind wir von dannen abgescheiden.

Den 21. erhebt sich ein vngewitter auß dem Sudwest / vnd wehret bis
auff den Morgen / daß wir in ein Hafen der Insel Wicht einlauffen mußten.

Den 25. seind wir von Wicht abgefahren / vnd den 27. zu Plymuth anaelangt.

Den 28. seind wir von Plymuth mit einem Ost Nordosten windt abgeseelt.

Des Morgens kamen der Schiffmañ vñ Commissari von der Justen auß das erste
Schiff / vnd ward verordnet daß die Prouiant vnter alle gleich solte getheilet werden.

Den 1. Julij ward die außtheilung gemacht / daß nemlich ein jeder alle tag ein Maß Iulius.
Bier / alle Wochen 4. lb. Brots / vnd ein halb lb. Butter (ohne die geschmolzene Butter
so man in der Speiß braucht) vnd einem jeglichen fünff Käß für die ganze Ränß solten
geben werden.

Den 8. seind wir auß die höhe von 39. grad vnd 25. min. kommen / vnd ist dozumal der
vnterzimmermann von der Juste gestorben / nachdem er allein 2. tag frantz gelegen.

Den 9. vnd 10. weil der windt auß dem Norden vnd Nordosten wähere / kamen wir
dapffer fort / also / daß wir des morgens der Inseln Madera vnd Porto Sancto ansichtig
worden.

Den 12. zu morgen sahen wir Saluages, vnd lieffen sie vngesehr 2. Meil auß der lincken
handt ligen.

Des andern morgens sahen wir Teneriffa vnd groß Canarien / vnd fuhren vmb Mit-
tag mit einem Nord Nordosten windt zwischen beyden hindurch.

Zwischen dem 14. vnd 15. fuhren wir mit selbigem windt vber den Tropicum Cancr.

Den 16. des Morgens wähere der windt noch Nord Nordost / vñ war das Meer ganz
vngestüm / also / daß wir vnser Esquifon verloren / vmb den Mittag funden wir die höhe
von 20. graden vnd 30. minuten.